

皇明海防纂要

第二冊

廣雅釋義

卷之三

海防纂要卷之一

黎陽王在晉明初南篡男會反稱貢甫較閱

廣東事宜

東路

廣東列郡者十分為三路東路為惠潮二郡與福建連壤漳泊通番之所必經議者謂潮為嶺東之巨鎮柘林南澳俱係要區扼吭換背之防不可一日緩而靖海海門蓬州大城諸所又皆跬步海濤所賴以近仔三陽遠衛東嶺者也惠州海豐東南濱海其捷勝平海碭石甲子門皆瞬息生變尤宜加之意焉倘柘

林南澳失守是無潮也平海碣石失守是無惠也舟
師防禦有信地之責者可少懈乎

按南澳當閩廣交界在大海之中有山田數千畝
乃國初起綏居民遺棄之地也嘉隆間倭泊于
此立市廣捕急則奔閩閩捕急則奔廣而海寇許
朝光吳平之徒相繼巢穴於此誠盜賊淵藪也萬
曆三年總督殷福建巡撫劉題設副總兵以
彈壓之外以奪海寇之巢內以絕接濟之路左以
伸閩之臂指右以固粵之門戶而屯海利其小
者也數年來漳潮無亡矢遺鏃之費策誠得矣其

次則惠潮二府亦當敵要衝向被倭寇殘據為甚
今惠潮各有叅戎柘林碣石有備總亦上游之藩
蔽也議者謂惠潮水道延袤千里若海門靖海甲
子所之間宜添設水兵一營遊擊海上與南澳各
寨相為犄角而東路遂可安枕然言之於無事之
日則迂矣

中路

嶺南濱海諸郡左為惠潮右為高雷廉而廣州中處
故於此置省其責亦重矣環郡大洋風濤千里皆盜
賊淵藪帆檣上下為合突未樓船屯哨可容緩乎當

考之三四月末南風汎日本諸島入寇多自閩趨廣
招林為東路第一關鎖使先會兵守此則可以遏其
衝而不得泊矣其勢必越於中路之屯門雞栖佛堂
門冷水角老萬山虎頭門等澳而南頭為甚或泊以
寄潮或據為窠穴乃其所必由者附海有東莞大鵬
以守之兵使添置往來預為巡哨遇警輒敵則必不
敢以泊此矣其勢必歷峽門望門大小橫瑟山零丁
洋仙女澳九竈山九星洋等處而西而浪白澳為甚
乃番舶等候接濟之所也附海有香山所戍守之兵
使添置往來預為巡哨遇警輒敵則亦不敢以泊此

矣其勢必歷崖門寨門海高斜山岡州等處而西而
望峒溪為甚乃番舶停留避風之門戶也附海有廣
海衛新寧海朗所戍守之兵使添置性未預為巡哨
遇警輒敵則又不敢以泊此矣夫其未不得停泊去
不得接濟則雖濱海居民且安枕而卧况會城乎
按廣東省會襟江帶海其東出海則由虎頭門而
虎頭門之東則為南頭省會之門戶也其西出海
則為崖門崖門之西則為廣海衛而香山澳在省
會西南夷人住泊于此稱密邇焉異日者倭寇率
殘破廣海衛矣海寇曾前輩由五虎門揚帆而來

鼓棹而去莫敢誰何無備故也今既設南頭泰將
廣海守備控制于外虎頭門把總防守于內又總
鎮標下添設中權二部水軍以脩策應由今視昔
萬一有不測之變豈遂至束手哉然議者以濠鏡
澳終為腹心之疾或議毀其巢窟或議移之浪白
三洲或議設官以治之或議以隣國為聲而徙之
南澳要非根本之論也夫東省之有番舶譬人身
之有痰火為元氣完固精神充足則火與痰亦為
血脈運動之資若元神虛耗營衛不周而區區以
去病為務未有不日消而月削也故文德武備固

